

國朝詞綜續編

國朝詞綜續編卷十二

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

朱 綬 三十七首

楊懋麐 四首

戴 熙 一首

吳 珩 二首

曹楙堅 九首

蕭 馨 三首

王三畏 一首

韓森寶 二首

朱 綬 字仲環號酉生元和人道光十一年舉人有知止堂詞錄三卷

黃韻甫云西生詞有白石之蒼夢窗之麗氣
格清渾不事字句雕飾當於全體中求之也
大江南北洵推作手詩亦古豔深厚卓然名
家西生與予初未識面癸巳秋由沈蘭如處
寄詩三首題帝女花樂府子性疎嫻未之作
復今西生已作古人影契神交亦成千古選
錄遺詞悵悵不置

點絳脣

不種芭蕉怕他又惹西風住壞墻蟲語已覺聲淒苦

亂葉空階秋在無人處橫塘路斷煙疎雨夢采蘋花去

瑤華

寒柳

鴉聲自急蟬蛻初零老前番秋色危橋紆渚風乍緊一
片霜條吹直江空年晚牘寂寞孤舟漁笛恁畫樓猶夢
春前悵望玉關消息 當時記拂鈿車有萬縷柔絲催

送離席斜陽似舊楓葉外惟有流雲凝碧依依漢上問
淚點爲誰頻滴想莫寒帽影鞭絲倦馬尙嘶荒驛

高陽臺

二月二十二日天陰度暝薄有雨意記庚午之年偕曹良甫訪豔城西汎舟虎阜卽是日也而海棠五度花矣

孤艦浮鴛叢衫聚蝶少年扶醉看花夢覺春空管絃知
在誰家海棠小折猩紅萼恰悄悄暗雨嗷雅記年時細
搯吳綾淡墨畝斜 休尋杜牧湖州約笑鬢絲禪榻如
此韶華紫陌芳塵依前流水香車鶯飛草長江南恨隔
屏山便抵天涯掩重帷向晚無人燭影紋紗

國香慢

春物喧麗眾芳弄晴順卿以春香命題邀爲同作

燕惜鶯憐正繡帷雲薄麗日暄妍博山舊爐閒熱不是

沈煙甚處簾櫳翠窈有穠花並顫歌筵東風晚來急
麝屑霏塵碧月嬋娟 玉衫游冶地莫黃蠶猶撲粉索秋
千綺郊尋珮空自十里珠鈿目極汀洲杜若采芳痕待
寄誰邊梨雲散遙夢愁倚熏籠絮雨吹絲

綠意

新綠同順卿作

嗁鵑又寂便冷紅尙豔不是春色曲幙團煙鶯燕飛來
猶問賞花消息石家金谷珊枝碎沁一片玉壺深碧莫
幾番換了斜陽但有畫樓陰直 還記韋孃乍嫁鬢雲
正掩映鐙照華席重捲紋簾依約螺痕露柳千條寒滴
佳人一別生芳草更暮雨戍亭飄笛倚繡櫳窈窕無言
夢繞舊時晴陌

眉嫵 草色

共雲光迷浦柳色分橋煙染嫩春徧立盡東風影銷魂
處江南無限亭館踏青漸嬾想陌頭遊騎歸緩糝香徑
幾片柔紅淺小闌燕飛轉還弄輕鬆纖軟映淥波一
抹芳思歷亂別是淒涼意憑樓望依稀天遠人遠翠莖
又短寄豔愁斜照都卷暮寒雨關河征客淚舊衫滿

高陽臺

廢港沈春層樓度暝爲畫中人傷別

濃綠分橋斷紅流浦看春平倚危闌玉舞珠歌冶情不
似前番濛濛香霧垂楊溼泛空波艇子蕭閒恨無聊三
兩愁鵑唬老荒灣 蘼蕪一片傷心色問畫驄誰騁寶
勒雕鞍除卻西湖江南無此溪山翠衫竝立銀樓角怨

天涯未有人還定宵深夢繞蘋花絲雨催寒

國香慢

六月五日借芷橋澹懷閨生泛舟山塘河
女校書文蘭歌以侑釅琵琶一撥不風自
涼水波微興宛有秋意扣舷成曲不自覺
秋士之易悲也

水曲招香載畫船桃葉不是橫塘空波自成蕭寂纜繫
斜陽多少銀笙翠管話春遊鷗燕都忘琵琶動眉語無
計聞歌直恁淒涼深杯休待勸認衫痕顛顛如此歡
場采蘭誰贈目極渺渺荷鄉隄柳疎凝黛碧莫重來已
伴唳蟹徘徊甚情緒鏡檻懸燈風露昏黃

選冠子

琵琶

細馬妝殘明駝影散初寫漢宮離怨剗檀木古纏玉弦
高選紗紫槽香滿關塞荒涼路遙攬入鄉愁一聲蘆管

正將軍毳帳傳歌沙漠雁行飛斷
知甚日流響江南
釵樓稚小手語漸成嬌軟勻遮半面側彈雙鬢領畧酒
邊鐙畔惆悵蕭郎舊時腰鼓纏來倍添悽惋莫么弦撥
冷春風還是曲終人遠

西河

曹艮甫秣陵之遊二年矣秋風歸棹不忘舊
歡歌是贈之以當古惆悵曲張叔夏日燕子
尋常巷陌酒邊莫唱西河故於斯調有取也

前度客今年又理歸屐滿城榭葉妥霜紅暮愁共積漫
驚短髮漸鬢鬢青衫無恙如昔
攀薜荔吟蟋蟀關河
多少寒色離騷二十五篇中一聲怨笛白門冶柳慣牽
情絲絲翻送離席
百年歲月似過翼有花枝當摘須
摘莫到無花空憶聽煙鴻唳徧江南驛燈火高齋秋蕭

瑟

淒涼犯

夜雨高齋寒不成夢懷人天末言愁始欲愁矣

蕭蕭颯颯秋聲起
簾風悄滅華燭雁飛過也人欲病枕
暮愁盈掬殘絲碎竹度檐際玲瓏片玉似曾聞霖鈴恨
語曉宇暗催促
閒記歌樓小淺穗爐熏煖俚香局秋
鴛夢醒定朝來鏡蛾顰綠歲晚天寒掩羅帳無言怨獨
聽疎更一點二點斷又續

掃花遊

蔣佑卿意有所眷屬題畫橋碧陰冊子曠括本事書之簡端其相視而笑也

杜郎未老對碧樹陰圓便添芳緒
畫橋霽午度清輝澹
冶訪詩歸路減一分春旒
去減霑衣絮雨暗凝仁但映
岸翠波冷流花去
佳麗修且阻悵燕子閒門更無香

杜幾重繡柱記醉墨題統豔情難賦似水韶華賸搯銀
彊細數奈何許聽嘯鷗又成淒楚

疎影

重九前一日借閨人遊靈巖山登翠臺小憩
寒雨忽至石氣淒澹閨人先成採芳信詞余
爲和之草窗體

林煙暗冪放橫塘艇子水風淒瑟敗柳枯蘆岸曲隄均
淨展一奩殘碧疎鐘忽斷斜陽外有翠雨畫衫涼溼又
井槐葉落銀牀吹滿故宮秋色閒話鷗夷舊事指平
湖樹裏帆影寒寂可惜溪山石古雲荒付與夜鴻酸戚
闌干曲折無人倚但蘚繡塗香塵壁送暮愁點點歸鴉
漸起隔村漁笛

探春

已卯正月九日從蘭如處醉歸露坐庭中弦
月孤頰賦此自遣時立春前一日也

催雨風收融冰水淺鞭香吹散平野半醉心情初寒時
候休說不堪遊冶一片鵝黃月向簾角玲瓏飛下薄妝
人正迎春管弦何處亭榭獨自空階佇立暗悵望春
期芳思慵寫柳苑鏗明梨街雲豔消得幾回尊罍碧海
青天裏漫長是今年今夜猶有梅花一枝畱伴清話

惜紅衣

庚辰秋日余有西湖之遊琢卿清如閩生
小雲并叔餞別於鷗隱園池上明日泊舟
吳江城外歌此奉寄並懷順卿功甫諸君
方盛舉續延秋集惜不得移之兩隄煙翠
間也

暝雨花凋飄煙柳直畫秋無色玉淨池塘漾波映離席
零詩賸酒空數徧霜風消息今夕昏樹亂雅對孤鐙荒
驛西冷去客簫謚琴歌情懷暗寥寂良期頓杳水國

莫吹笛可惜段家橋外冷浸半湖涼碧料柵衫歸緩三
十六鷗能識

玲瓏四犯

垂虹橋下用白石體音旨清寂識曲者知之耳

短柳未霜叢蘆初雪垂虹亭下秋早客遊殊自苦倚舵
看清曉絲風暗欺破帽問江郎賦情多少綺岸花疎畫
船鐙滿何似舊懷抱 橋灣十年重到賸揉波翠影涼
映孤棹玉衫香減盡薄媚聞歌調不須豔說吹簫伴試
極目天涯荒草人意悄銷凝有青山夢好

瑞鶴仙

韜光鍊丹臺上觀戊寅年題壁

巖光清到竹度一拂空煙菱衫秋綠飛泉漱鳴玉聽冷
冷仙韻徑深人獨崖回翠複有風引禽聲斷續上孤亭

鏡影江湖千里更窮遙目
林麓題詩壁古暗換前遊
幾番涼燠青山似舊叢桂樹散寒馥算人閒易老鶯花
閒夢不到雲屏霧幄步高峯且荷長鏡藥苗待斲

琵琶仙

清曉自烏戍發舟行支港閒極幽隱之趣因憶白石道人本調詞又听然笑耳

初雪蘆梢短隄畔昨夜西風涼足殘露猶泣汀洲朝光
上帆綠鴉萬點秋翎散早遠天靜漸升孤旭就柵牽菱
移船問藕吟興幽獨漫尋想茗雪清遊唱雙漿桃根
舊時曲惟有曉煙空黛映生波凝縠雲樹外明霞淡冶
似美人睡起新沐自笑寥寂心情舵樓吹竹

解佩環

元彭元遜有此體陽羨萬氏謂卽陳影惟以去上叶韻爲少異耳偶成一篇寄蘭如湖上用彭體故仍其名

吳天霽晚正汀煙漲雨斜照初暖一紙書催十葉帆懸
負了故人芳餞湖山約共看秋去笑閒鷗近來無伴想
高樓望遠憑闌盡日翠眉愁展 記取梅花開處聽玲
瓏歌曲芳字題徧莫是垂楊秋影絲絲別恨不堪重縮
亂蟬吟冷長隄路抵多少玉筍金管賸西冷斷碧空波
省識柔情深淺

虞美人

秋夜

亂蛩聲裏過新雁斷續疎砧徧不關風雨已悽悽况有
梧桐殘葉趁煙飛 城頭自響三通鼓淡月低臨戶露
涼深院一鐙紅剛是惜秋人病素帷中

湘江靜

代別思

岸曲西風催戍鼓把金尊勸畱難住蘋波漸起蘆雲盡
卷是離船行處玉井淚波寒還分付煙鴻彈與千山萬
水書遙夢遙斜陽外半帆雨佩素璫攀翠羽誤神妃
暮暝微步碧平峯黛斂瑤流鏡貼定湘絃頻撫人已隔
天涯愁今夜月生南浦銷魂第一一作黃陵廟近猿嗥斷
樹

多麗

自來西湖雨雪閒作余與諸君無日不著履
遊也在理安道中飛泉橫流褰裳徒涉亦一
奇矣明日將爲旋里計歌此畱別

聽蕭蕭風風雨雨朝朝恁吹寒還吹薄暖斜陽慣自迢
迢露亭欹花遲蝶眷煙隄暗柳禁鶯拍繡土香凝妝樓
笑淺鈿車誰過第三橋憶芳陌畫衫扶醉緩控玉驄驕

閒回首十年塵鬢綺想都消
待山山霞痕散霽但須
選勝林泉磴泉飛翠侵筍屨雲巖轉青潑松瓢搗策情
孤翦鐙話冷勃姑聲裏喚歸橈便天許一春中酒心事
總無聊西溪月俊遊空約夢穩梅梢

瑞鶴仙

零雨飄風秋燕被野順卿調齊天樂見寄
情辭悱惻歌不成聲拈此奉答義託閨禱
旨兼譎諭亦辭騷美人之遺也

笑芙蓉凋淚影早柳外人家虛檐秋靜妝眉妬明鏡記麝
蕪采罷墜雲難整嗁蜚訴病倚寒幃淒涼自省舊題紈
碎墨零煙萬點怨紅新凝芳媵明璫緘字換到鑪熏
漸銷香餅重簾度暝斜照外雨絲冷歎悲黃書蝕看朱
歌斷幾處銀瓶恨井最堪憐嬌稚鄰娃夢歡未醒

惜秋華

延秋小集分賦秋花得海棠

露冷墻根對秋痕似夢低花娟楚綃淝淚殷佳人怨歌
金縷玉容憶別經年贈翠佩無言日暮凝佇記飄鐙
箔底春風芳樹腸斷奈何許是擷枝恨葉總成塵土
綺夢易闌憐惜鏡闈私語脂燭自拾零香待暈入羞紅
嬌嫵秋去滴荒堦幾宵疎雨

琵琶仙

接澹懷泰州書兼寄良甫兩君皆二年前
晨夕過從友也顛顛依人踪迹疎闊頃於
秦淮渡頭小聚十餘日輒又別去秋風深
矣不能無懷

霜色關津夕陽外凍柳千行飄折孤雁飛趁蘆花寒沙
散秋雪吹夢斷簫聲暮冷憶江上翠尊初別十幅輕帆
一陂廢水心事愁說但回首佳麗秦淮算壁月瓊枝

易銷歇知有縷金歌扇向空箱閒疊十里路西風夜起
擁敗郵盡是荒葉漫賸天末懷人怨絃彈切

霓裳中序第一

題生香館女史遺集同閨人作閨
人與女史素相識也故有鈿鳥當
時之句

湘芙蓉淚暗滴舊日仙心銷未得温鼎蘭熏細炙想粉羅
綫箱紈疎星席顰妝瘦碧付彩箋離緒凝積空吟歎玉
清賸曲半影弄淒魄幽抑鳳笙聲寂動怨思紅深翠
隙人閒多少恨迹早水鏡塵封繡鈇上苔蝕夜鐙人共
惜是鈿鳥當時夢隔還惆悵綠梅花底脆管度殘拍

古香慢

續延秋小集董琢卿索題無名氏秋聲畫
幅敗葦叢蕉淒然欲絕川夢窗自度夷則
商調秋士之懷慨可知也

墜梧謝燕離。薛迎蟹簾外。秋凜暮杵空。城砌曲露華塵。
沁殘醉憶天涯。定腸斷東陽瘦。沈最宵深院寂。颯影暗。
鏡又照愁癡。記舊事傷情還甚。春樹穠芳都換。清陰
葉葉聲聲不入翠蕤。香枕霜豔惜嬋娟。更何處交柯碎。
錦賦銷魂總無奈。月波寒滲。

雨霖鈴

湖風乍寒。天有雨意。斷隄秋柳。數株蕭蕭。作響。始有難於爲情者。而余又何以堪此。

西風淒急近橋隄。上淡日無色。千絲萬縷吹損頽垣。敗
甃。嘒聒聲聒甚。處人閒感別夢。猶弄哀笛。算此恨終古
依依未是。江潭淚頻滴。十年困頓。青衫客。又那堪聽
雨孤鐘。夕天涯。便有晴意。秋漸冷。更成蕭瑟。可惜西湖
一片亭臺。盡換愁碧。付後約。驕馬空嘶。斷岸煙蕪溼。

長亭怨慢

余來錢唐下榻蘭如寓齋湖山之遊頗極幽賞會蘭如有於潛之行余將買舟歸矣賦此誌別

又聽到愁鴻南浦短柳飄蕭便牽離緒
鶯葉輕船水風淒冷送君去歲華如夢能幾度
挑鐙語可惜好湖山總不許閒入闌住
且住折蘋花贈遠獨自斷魂難賦汀洲
伫立但目極墮煙疎雨問後約空指眠鷗
笑修竹吾廬何處屬采朮歸來料理天隨
漁具

聲聲慢

龍樹菴看桂

溪聲在竹野色通橋榭平衫盡化秋碧
一磬西風庭際暗蛩涼寂人閒自憐夢短
誤嬋娟吹香瑤席凝望久正翠闌微冷墜
煙黃積賦徧小山招隱漸木落淮南雁

國朝詩集卷之三
鴻淒急可惜今宵不是素娥妝夕年年采花弄藥想天
上佩環消息知甚處有紫絲雲障暮寒都隔

淒涼犯 荒雅

古譙暮角悲聲起斜陽欲下林薄葉飛盡也危墻斷堡
片雲吹落霜風正惡定何處離巢換鵲畫湖天沙洲凍
寂煙影上山郭因念空江畔野火叢祠短帆催泊暝
光弄雪儘淒涼翠亭朱閣最苦宵深弔荒月寒幃夢覺
伴無聊隔浦雁響和冷柝

曲遊春

草長湖隄翠漸暖風初颺春動芳陌似水年華趁梨花
酹酒未成蕭寂幾日輕陰積早晴豔數枝紅坼正畫樓

半捲珠簾人倚露闌吹笛 小立官橋路直對金縷絲
楊飛夢窗隙鶯燕芳期恁鈿車去後更無消息十載青
袍溼漫分付釵叢憐惜向晚一曲山香舞花帽側

臺城路

宋于廷詞意圖冊記揚州舊遊也

人生不合江南住垂楊暗飄霜縷畫舫鐙圓珠樓笛脆
閒惹淒涼無數離騷廿五漫畱付人閒斷腸兒女一片
蕪城夜深明月自來去 芳期況成閒阻黛蛾謠詠慣
幽夢淒楚倦馬長郵初鶯小樹宜有華尊歌舞傷情甚
處是望遠登高翠漣平浦芳草年年此愁空寄與

于廷芳

草詞

探春慢

二月十二日夜坐玩月斐然有作

林采銷煙澗華散雪園林芳事如畫綺節逢花瓊宵得
月須信韶光無價明鏡開奩小照一片流雲池榭討春
翻記年時雨聲零亂鴛瓦 還趁東風未老翦霧縠輕
衫香浣沈麝鐙閣簾疏簫樓屏暖宜共飛仙遊冶憑問
閒鶯燕更甚處人閒今夜賸數闌干玲瓏旖旎勝齊挂

法曲獻仙音

校定眉仙繡篋詞卷因題是篇時子
移家古墨池園廣地喬木煙月清真
吟嘯其中或不似人閒伉儷也近詞
多思親之作外姑方就養衡中楚山
湘水疊見篇章矣

鏡閣縣花鐙幃收月記約盟鴛前度淨碧吹魚冷紅依
燕池亭正堪攜侶漫悵望春歸早深宵擁篝語 紫雲
句料妝樓露桐吟徧應未識天上玉簫新譜付與按歌

人誤嬋娟顰怨如許望極湘江只無聊愁換眉嫵且濃
題蕉葉靜賞一圍煙雨

國香慢

吳辛生出示惜花圖卷鴛湖罷布衣所作
李文字子仙題絕句六首繇渺淒怨有不盡
之意二君謝世皆數年矣爲譜弁陽老人
夷則商一調鬼唱秋墳知子悲也

那便傷春對畫橋煙絮怨思都陳看春慣嗟遲莫况是
春人憐惜江南二月儘年年碧樹花新無端又惆悵輿
繡銅街暗起香塵寂寥前度恨向粉綃重認綺想紛
紛蜀絃彈淚吹溼萬點鶻雲一片斜陽廢土掩愁紅陌
上黃昏人閒更何處道有嬋媢未解銷魂

聲聲慢

閩七夕後一日再爲夢薌題畫

圓姿闕月密約移星鍼樓又度靈夕一樣銀灣中有淚

潮千尺天孫料應恨淺再相逢今年重七人世夢早妬
雲吹散怨懷凝積 記省畫鸞前事限一角紅墻便沈
消息說與匏瓜猶豔傷機槎客飛仙翠眉易老換離思
鏡奩秋碧闌夜裏賸冷吟閒醉露涼瑤席

楊懋慶

字子振號友麓平湖人道光十一年舉人有閒雲潭景詞二卷

擣練子

人倦後燕來初芳草如煙疑有無
蠟粉墻陰蛛網顛落花聲細夢模糊

解佩令

題黃韻甫愛清凌波影樂府

春風蘅杜春潮煙霧隔盈盈生塵微步除是才人誰解
歎匏瓜無侶笑荒唐楚天雲雨 相逢神渚相思驛路

派閒愁飛花飛絮一樣銷魂只可惜世閒兒女喚情癡
且從夢悟

金菊對芙蓉

客中重九

雁蘸楓煙鷗拳葦露四天風色蒼茫正題餽節序簪菊
時光白雲未約登高屐但遣愁隨分杯觴水村沙驛幾
株臥柳妝點斜陽更有甚事迴腸指家山畫裏儘費
思量幸寥寥舊雨尙共篷窗酒人休怨詩題盡付賸吟
蟹舍漁莊一聲柔艣江湖滿地華鬢清霜

疎影

齋前芭蕉用白石韻賦之

涼翻碧玉愛簟紋似水先讓雲宿拂曉風清墻角濃陰
離披未礙篔簹竹瀟瀟幾陣黃梅雨已數尺新添窗北傍

畫廊預作商聲不管苦吟人獨芳意將舒尚卷蠟緘
試暗折秋夢分綠篆絕棋殘鎮日冥冥冷浸三閨林屋
天涯多少孤眠客料別緒定抽心曲更倩誰墨汁濃傾
翠影寫畱屏幅

戴

熙

字醅士錢塘人道光十
二年進士官兵部侍郎

黃韻甫云侍郎工寫山水氣體渾厚生趣遠
出爲時所貴詞不多作茲就所見錄之未足
概全豹也

浣溪紗

題星齋桃花便面

記得年時忽地逢粉墻西畔畫樓東一春無雨又無風
印枕霞痕掠鬢角背鏡酒暈上眉峯那回曾覩可憐

紅

吳

珩字佩之號我鷗仁和人道光十二年庶常改
吏部官四川鹽茶道有絃詩讀畫軒詩餘

摸魚子

鵲聲

破空江一天秋寂搖搖何處煙艇數聲款乃沙汀外錯
認雁羣呼暝風不定怕十里圓波盪碎蘆花影伊誰慣
聽祇水國鷗鳧漁家兒女涼夢屢催醒西冷路最好
湖光掩映綺船都在明鏡湧金喚渡人歸晚柔響愛他
山應圖畫勝爭奈我年年遊蹟隨萍梗燕齊路迴賸夾
岸蛩吟沿溪櫂唱和月伴愁永

疎影

帆影

溟濛一片趁澄江景霽吹落波面白鳥明邊悄逐雲飛
斜陽半晌猶戀樓頭送別銷魂處任遠近總迷心眼正

帶他鷗夢輕移又被浪花掀亂我亦曾經弱水悵天
風引度俄又吹轉鏡裏春晴畫裏秋陰幾度勞伊相伴
有時掠過溪心去訝驀地篷窗遮暗待晚來月上潮生
付與船孃淒怨

曹林堅

字樹蕃號艮甫吳縣人道光十二年進士官湖北按察使有墨雲閣詞鈔

陶覓香云良甫詞在草窗竹屋之間至清處超萬處尤與玉田爲近黃韻甫曰墨雲閣詞蒼豔處雅近白石集中諸調琵琶仙尤擅勝場當以曹琵琶呼之

眼兒媚

秋試被放旋有騎省之悼倚聲自遣滋益泫然

女牆西畔又啼鴉門巷認誰家西風簾捲更無人影休
說黃花從前離恨今番覺絲鬢透霜華一杯冷酒兩
行熱淚了我生涯

鵲橋仙

嗁紅人杳流紅信杳芳事知誰商畧一彎蛾影瘦於秋
照不到畫樓西角琴心彈冷笛心吹冷燕子輕陰簾
幙春痕如夢著梨花又記起翠羅衫薄

減字木蘭花

閨情分集詩牌

蘭愁壓鏡鵲鎖沈煙和瘦影細數花期一翦春陰護蝶
衣深深庭院綠繡苔鋪榆莢滿人正垂簾燕子歸來
繞畫檐

六幺令

蓬窗孤坐追念舊遊賦此寄蘭如

明蟾三五端正照離席桃鬟最憐嬌小眉颯柳絲碧不
管東陽瘦損暗把春心擲絮雲無迹江風一霎催送天

涯遠行客 還記熏鑪錦薦暖倚流蘇側此後誰研銀
箋替賦驚鴻格料得惜惜小巷輕霧吹簾額暮鴉荒驛
寒楓幾片何處樓頭正飄笛

水龍吟

江口阻風作

夜來聽雨聽風江湖併著離人淚杯深酒釀篷低燭暗
都無詩意逝水年華傷秋懷抱釀寒天氣早葦花吹盡
星星漁火休驚了沙鷗睡 獨自單衾淒擁又無端笛
聲催起問他多少青衫白髮扁舟同棹明日天涯寒雲
萬疊碧波千里記前番有約五湖春樂學鷓鴣夷子

揚州慢

邗溝夜月

雙槳鴛情一彎蛾怨惱人此夜邗溝對疎星不語總打

疊離愁聽宵靜寒潮自響去來鳴咽絲鬢先秋料闌干
西角斜河還照銀鈎 豔懷未減訴淒涼休問東流記
淺笑尊邊溫香坐側前度紅樓夢雨夢雲何處江關路
穩繫孤舟喚水蟾低約花時重見當頭

琵琶仙

友人見示秦淮記事詩既有和作未竟所懷復填此解

春冷閒門暖風起定有楊花吹入離夢還惹柔香啼巾
寄紅溼人縱遠青溪自近試重語軟波雙楫豔影鴛迷
遊絲燕惱無奈今昔 料依舊釵霧衫雲算如此年華
半淒瑟煙鎖幾分殘黛替秋山描出題恨杳霜楓漫舞
付斷鴉盡是愁色可記邀月簾櫳夜涼橫笛

解連環

題孫子和月底修簫圖

白門秋半記水蟾蘸影晚涼池館倚畫簾盼到傾城有
衣上新香玉簫吹暖儘說相思怕未必黃衫能管只嗁
鶻聽去得悄約花時訴與幽怨江城幾番悵斷把斑
駝繫了綠楊絲短想翠蛾消盡春痕問飄泊誰邊夢和
人遠莫話前遊總一樣雪團雲散又長安自醒自醉自
題畫卷

琵琶仙

石帚自製黃鐘商調也辛丑九日詠菽招
飲賦呈此解孤懷沈寥不自覺商聲之觸
指矣

霜葉吹空宦情冷奈我樓遲京國衰鬢還對黃花西風
最蕭戚秋漸老江亭怕倚爲經了幾番離席月桂緣溼
煙蘿夢窈心事誰識再休負紅燭開尊且同把雙螯

醉今夕看到翠荒苔古早
蜚蜚聲寂星暗淡關河雁去
想成樓盡是寒色試問萼
脆鱸香甚時歸得

蕭

馨字笠仙海
甯人諸生

慶春澤

花朝

如錦韶華如絲情緒東風閒
殺鞦韆鸚鵡前頭記曾眉
語流連百花生日今年又
便嬉春嬾逐香鞦騰相思別
夢難尋恨窟難填 商量
酌酒爲花壽向畫旂颭處題
徧紅箋綵筆慵拈應憐多
病文園同伊撲蝶成前度
換番番淺暝輕寒到而今
水自迢遙草自芊緜

沁園春

花朝燕香亡婦影幃

九十日來悽斷冬郎况是
今朝恨金鷺屏展夢還倘
恍

蠟梅花放香也蕭寥

婦愛花成癖故靈几亦爲設膳瓶清供

別慘吞聲魂

消握手道恐情絲縮未牢思量起儘一鐙無寐耐可憐

宵 功名腸熱徒勞只願把金尊供讀騷算莫催離緒

翻添卿喜且辜壯志甘被人嘲歷歷前塵茫茫今日心

血愁邊海上潮東風峭任庭閒撲蝶分付吟毫

婦常以離別爲

憂去歲報罷日猶懽然慰藉也

桃源憶故人

李家谷是與亡婦舊經行處

年年來往攜蘭棹我愛此閒偏好綠意迷離多少供養

嗁鶯老 如今一片相思稿況是送春懷抱依舊柳絲

風裊難再人雙笑

王三畏

字薊穀錢唐人諸生

綠意 賦綠陰和海門作

晶簾細疊正曉煙捲起詩夢清絕染上蕉衫黏住苔堦
濃雲滿地披拂闌干十二花迷處定誤了飛飛胡蝶便
嫩涼不是新秋小苑更無蟬咽 休訴環肥燕瘦幾番
過夜雨春事飄瞥斗酒雙柑楊柳樓臺猶記聞鶯時節
斜陽隔斷青山影有一縷碧痕如接最關心悄立黃昏
踏碎半庭明月

韓森寶

字頤伯一字茶甫震澤人
諸生有茶甫詞存一卷

闌干萬里心 簡周祖白

彎彎月挂柳梢頭曲曲溪划雙槳舟有客憑闌盟白鷗
兩重樓一樣蕭疎各自愁

百字令

題屈笏堂大別豪吟圖

滔滔江漢想金戈鐵馬英雄多少大別山頭森古柏且
向青天長嘯夏口東瞻武昌西望只有風帆好賦詩橫
槩阿瞞未許同調歎息搥鼓狂生登樓詞客畢竟埋
秋草一掬傷時才子淚付與亂峯斜照家住吳頭身遊
楚尾千里關山道長歌當哭有情天亦應老

國朝詞綜續編卷十二終

錢唐宗景藩子城校榘

國朝詞綜續編卷十三

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

項鴻祚 六十四首 黃曾 二十一首

項鴻祚 原名緒章字蓮生錢塘人道光

十二年舉人有憶雲詞四卷

吳仲雲抗郡詩續輯云蓮生喜填詞尤工小

令每自度一闋卽付姬人歌之其風流自賞

如此嘗語人曰余詞可與尙賢角詩不足存

家不戒於火乃奉母北行中途又遇水厄母

與姪俱歿號躡旋里幽憂之疾益深而詞益

訂甲乙丙丁葉黃韻甫曰憶雲詞古豔哀怨如不勝情猿啼斷腸鵲淚成血不知其所以然也懷才抑鬱以一第終悲哉惜哉

點絳脣

秋意

夢怯秋清小屏題徧相思句露濃如雨不響梧桐樹
采藥闌空是舊吹笙處愁凝伫暗蛩無語涼月隨人去

河傳

秋雨

秋雨千縷灑方塘欹枕西堂夜長梧桐葉兒風打窗新
涼薄衾閒半床愁裏畫屏天樣遠銀燭短夢也無人
管怕相思越相思除非影兒權作伊

臨江仙

有限春宵無限夢夢回依舊難留淚珠長傍枕函流書

來三月尾燈盡五更頭 見說而今容易病日高還掩
妝樓桃花臉薄不禁羞瘦應如我瘦愁莫向人愁

瑞鶴仙

擬夢窗

漏瓊侵鈿瑄正依依夢別小坊幽院熏衣練香軟掩金
蟬組帳蜜燈慵翦翠樽自暖未相思愁腸寸斷恨燕翎
不寄雲箋十二碧城天遠 蔥菴螺心睡髻鳳眼橫釵
賦情難遣烏絲淚滿詩寫在舊團扇算唬鶻枝上烘愁
淡月曾識秋孌半面看今宵兩處憑闌是誰病慣

戀繡衾

擬草窗

漏殘酒醒燈半昏被池寒檀篆自熏想月轉牆西角悄
無人愁過夜分 揉藍帕子餘香在怕如今添了淚痕

夢不到梨花院任東風吹作碎雲

南浦 詠柳

春水漲溪渾是濛濛昨夜楊花吹徧走馬問章臺長隄
外和雨和煙一片纖腰自舞料應未識相思怨可惜笑
桃人別後孤負年年青眼怪他眠起無端好光陰都
付小鶯雛燕不向陌頭看爭知我盡日魂銷腸斷絲絲
縷縷幾時繫得東風轉且去西泠橋畔等萬一艤船重
見

水龍吟 秋聲

西風已是難聽如何又著芭蕉雨泠泠暗起澌澌漸緊
蕭蕭忽住候館疎砧高城斷鼓和成淒楚想亭皋木落

洞庭波遠渾不見愁來處
此際頻驚倦旅夜初長歸
程夢阻砌苔自歎邊鴻自
淚翦燈誰語莫便傷心可
憐
秋到無聲更苦滿寒江廣
有黃蘆萬頃捲離魂去

綺羅香

和碧珊

借病瞞愁拚悶作夢單枕
又驚春半小揭珠簾隱隱
似聞微嘆羅帕重灑淚成
鵲錦箋長寄書尋雁莫因
循誤了芳華柔腸能得幾
回斷題紅前事謾省空任
香銷粉蠹舞衫歌扇除却
榴裙瘦盡楚腰誰見防夜
約拜月推寒厭晨妝踏青
嫌遠最無情最是飛花曉
風吹不轉

浣溪沙

雜憶

曾向西池采玉游可人天
氣近中秋半年前事到心
頭

今夜夢魂何處去一重簾幙一重愁重重遮斷舊妝樓

卜算子 贈藕卿

花落小樓寒客散重門靜明月隨人出畫廊曲曲闌干影
淺醉幾曾忺薄睡更番醒也似相思也似愁人比
秋風冷

減字木蘭花 春夜聞隔牆歌吹聲

闌珊心緒醉倚綠琴相伴住一枕新愁殘夜花香月滿樓
繁笙脰管吹得錦屏春夢遠只有垂楊不放秋干影過牆

湘月

壬午九月避喧於南山之甘露院就泉分茗移枕看山相羊淡句塵念都淨出院不百步

越小嶺卽虎跑也嘗月夜獨遊清寒特甚賦
念奴嬌鬲指聲一闕紀之

繩河一雁帶微雲澹月吹墮秋影風約疎鐘似喚我同
醉寺橋煙景黃葉聲多紅塵夢斷中有檀欒徑空明積
水詩愁浩蕩千頃乘興欲叩禪關殘螢幾點颭寒星
不定清夜湖山肯付與詞客閒來消領跨鶴天高盟鷗
緣淺心事蒲塘冷湖風狂嘯滿林宿鳥都醒

菩薩蠻

鯉魚風起芙蓉老金鵝屏展缸花笑稍覺舊衣單玉人
心裏寒瀟湘天一尺蹙破眉峯碧箏雁不能飛悔將
情訴伊

浣溪沙

秋夜夢借數客過趙氏小山堂分韻賦落
葉詞余得斜陽一樹待雅歸之句一座擊

節主人淒然泣下醒而忘其全因足成之

淺噴涼樽事已非西風催換薜蘿衣
小山堂下舊人稀
秋水滿塘隨鷺宿斜陽一樹待雅歸
再來唯有夢依

依

高陽臺

甲舊曲

塵帶愁香犀帷夢玉金猊暖壓氈
餽病怯朝眠涼雲吹
度平湖畫橋煙鎖分攜路正馬嘶殘
雨荒蕪更銷凝鶯
老花稀雁到書無離情不恨吹橫笛
恨琴邊枕瘦酒
後燈孤側帽垂鞭臨風可奈清臞綠
楊天半紅泥閣數
舊人惟有箏奴待重遊怕聽鉤闌弔月
曉牯

燭影搖紅

元夕卧病不出

疊鼓收寒試燈風小珠簾捲玉梅消瘦倚窗枝蟾月窺
人淺十里銀笙鈿管簇行雲銅街繡輦不如休去花影
重門繁星一院誰念何郎宿醒未解吟詩倦枕屏清
淚濺瀟湘蜜炬香心短閨裏華年自換漏沈沈天長信
遠春眠困頓猶夢婆娑舞蔥歌倩

清平樂

池上納涼

水天清話院靜人消夏蠟炬風搖簾不下竹影半牆如
畫醉來扶上桃笙熟羅扇子涼輕一霎荷塘過雨明
朝便是秋聲

摸魚子

殘春湖上薄遊

正鴛機花明畫錦雨絲織到愁處杏鈿狼藉青蕪國前

度鳳鉤香汚湖上路問孤負良辰美景誰院宇殘簫倦
鼓牘占岸輕橈垂簾小榭煙柳短橋暮空贏得綵壁
留題秀句淒涼醉玉風度舊時繫馬門前樹一片綠陰
吹霧聽燕語漫說道薔薇後約今在否銀箏自譜儘付
與紅兒酒邊緩唱忍淚看春去

蘭陵王

春晚

嫩陰薄人在酴醾院落鞦韆罷還倚瑣窗花雨和煙潤
銀索近來情緒惡遮莫青春過卻單衣減沈水自熏酒
病經年忍孤酌低低燕穿幕任箋絲綃紅心事難託
柳絲繫夢輕漂泊歎衾鳳羞展鏡鸞空掩思量睡也恁
睡著恨依舊寂寞妝閣閉魚錦怕唱到陽關簫譜慵

學夜占蛛喜朝靈鵲祇目斷千里錦帆天角玲瓏簾月
照見我又瘦削

高陽臺

詠馬湘蘭研背有雙眼并玉百谷小篆星
星二字馬自銘云百谷之品天生妙質伊
以惠我長居蘭室

豔曲題裙

明鄭之文作白練裙院
本演百穀湘蘭故事

清聲碎玉

湘蘭理鬢
墜一寶釵

徐語侍兒曰久
不聞碎玉聲矣

消磨何限歡場俠骨飄零當時留贈蕭

孃雲腴鏡得如人膩掃輕煤淡寫瀟湘好收藏小字星

星舊署王昌

銀鈎慣寄相思札問頭陀知否

百谷有
小印曰

玉頭陀

宿願應償淚眼盈盈紅絲不繫柔腸可憐片石經

塵劫數秣陵遺事蒼涼最難忘煙月妝樓孔雀庵旁

故居在金陵
孔雀庵側

浣溪沙

青粉牆低柳倚門
疎簾斜日燕尋人
最難消遣是深春
閒凭繡牀思夢笑
怕繙簫譜見
嗁痕櫻桃花下又黃昏

菩薩蠻

春靜

春寒不度垂楊樹
風幰澹澹吹香絮
霏雨午天晴
隔花聞笑聲
嫩篁微解籜
鏡檻新陰薄
斷續水沈煙
燕窺人晝眠

又

彈琵琶

檀槽細響龍香撥
玉纖攏袖雙條脫
深院落花天
鸞啼楊柳煙
驟如風雨歇
萬里關山月
眉黛一痕愁
湘雲

入鬢流

虞美人

歸自越中

畫船打槳催將去，愁聽烏篷雨。越王臺上夢迢迢，人在亂鶯聲裏，過花朝。歸來重見東風面，楊柳青如線。碧桃還有幾分留，爲我一春湖上，不曾游。

百字令

將遊鴛湖作此留別

曉鶯催去便輕帆，東下居然。游子我似春風，無管束，何必揚舡千里。官柳初垂，野棠未落，纔近清明耳。歸期自問也，應芍藥開矣。且去范蠡橋邊，試盟鷗鷺，領畧江湖味。須信西泠難夢到，相隔幾重煙水。翦燭窗前，吹簫樓上，明日思量起。津亭回望，夕陽紅在船尾。

木蘭花慢

夜過吳江

鶻聲搖淡月正人在洞庭船望笠澤茫茫長隄暗柳曾
住詞仙當年俊游記否喚銀簫吹綠一江煙曠我詩愁
萬頃片帆直上壺天 流連玉界瓊田清露下水紋圓
怕酒醒波遠醉魂空戀第四橋邊淒然五湖舊約歎鱸
鄉信美尙無緣風外魚燈幾點夜深涼照鷗眠

浣溪沙

紅橋步行波詞韻

水近雷塘緩緩流綠楊風軟不知秋教人無賴是揚州
畫舫載來歌舞夢玉簫吹破古今愁舊時明月照迷

樓

三犯渡江雲

余今年正月客山陰三月客禾中四
月七月一再至吳門遂北渡揚子遊

金焦兩山留維揚六日揭來故山悅
焉如夢塵衣未浣又爲豫章之行登
舟惘惘扣舷而歌彌覺旅懷之淒黯
矣

斷潮流月去舵樓碎語侵曉挂帆初一行沙上雁又被
西風吹影落江湖紅牆漸遠拂征衣自歎清臞最淒涼
疎萍牘梗飄泊意何如 愁余黃花舊徑修竹吾廬是
離魂來處料此後詩邊酒冷夢裏燈孤停船莫近投書
浦况路長容易無書歸便早今年總負鱸魚

一萼紅

瑞洪雨夜有懷

旅魂驚正鼉鼓催浪彭蠡暗潮生隔浦疎林松江敗葦
蕭颯齊作秋聲壓篷背頽雲似墨灑一天涼雨雁縱橫
戍角初吹村砧漸遠漁火還明 何事流連吳楚歎銷

磨多少風月淒清倦枕支愁寒衾貯夢客路到處傷情
想今夜孤舟漂泊更有人樓上數殘更應是玉釵敲斷
難問歸程

八聲甘州

重陽遊百花洲

更不須攜酒看黃花淒涼勝遊稀但蘇翁圃外藏鴉細
柳相對依依回憶西湖舊夢秋水浸漁磯今日登臨地
風景都非自折茱萸簪帽歎沈腰瘦減淚滿萊衣况
天涯兄弟不似雁同飛誤江樓玉人凝望盼歸舟我尙
未能歸休悵望有闌干處總是斜暉

壺中天

灌嬰城

滎陽屯後擁犀渠十萬販繒人也今日黃城餘舊壘風

雨捲旗飄瓦垓下追兵穎陰封爵功亦韓彭亞將軍已
矣廢祠誰奠杯俎憶昔此地連營臨江百雉戰鼓寒
潮打回首斷煙衰草外空有荒池洗馬入粵弓刀平吳
歲月且聽漁樵話女牆猶在亂烏嘯破秋夜

又梅仙祠

市門再見似千年元鶴甞來華表一尉居然稱吏隱從
古神仙官小丹井泉深石幢苔冷絕壁銜殘照山中匣
劍夜寒猶自孤嘯歎息狐鼠縱橫論奸抗疏心豈無
廊廟玉馬銅駝驚轉眼愁望五陵煙草嶺上吹笙雲間
飛鳥攜手成同調最憐佳婿羊裘六月垂釣

又鐵柱宮

神洲聖鐵鑄東南底柱地維穿破井沸生瀾通海氣中
有老蛟愁臥八索鉤連孤根撐拄不許狂濤簸霓旌羽
節至今靈廟猶妥 我欲試探重溟嶠文手拓咫尺風
雷墮斗劍星紅蟠殿壁十二洪鑪贖火挂屨遺楓遊帷
舊觀歷劫難摧挫五丁驚詫浮州萬古長鎖

又 寫韻軒

衍波玉潤寫銀鈎葉葉點商分羽修到神仙貧亦好寄
食幸逢鄒舉畫閣籠煙湘簾映水一硯瀛洲雨烏絲墨
妙只今流落如許 當日鏡檻書床朝朝暮暮便是瑤
臺侶甲帳繡襦甘小謫何況世間兒女紫極人歸青林
虎嘯遺蹟城南路夜涼應有珮環月下來去

又蘇翁圖

身將隱矣謝故人無恙灌園差樂世事原非吾輩了且
向南州樓託牛畝斜陽一鋤野水別自成邱壑柴門土
銜著書應是僮約 謾教車騎重來請從此逝高舉隨
黃鶴老圃空依徐禪宅誰薦秋風葵藿萬柳隄荒百花
洲冷煙月長蕭索舊盟鷗鷺偶然飛下寥廓

清平樂

元夜作

畫樓吹角酒醒燈花落梅未開殘風又惡今日元宵過
卻 更更更鼓淒涼翠綃彈淚千行併作一江春水幾
時流到錢唐

菩薩蠻

偶成小令

草薰風暖天涯路清明寒食青春度何處驟驕聽玉樓
人夢中一窗花弄影半被餘香冷不是倦思眠起來
依舊閒

齊天樂

南湖徐氏水樓在慧雲寺側倪米樓顏曰
花隱宋芝山爲之作圖一時朋簪遊讌
唱最多纔十餘年事耳近日湖山詞客強
半凋謝惟西齋李子猶記鴻雪舊痕值汪
又村出示此圖相與展卷留連劇談往事
前塵隱約率爾繼聲玉笥埋雲醉魂未醒
深有愴於予懷也

碧雲低醺紅樓影如今倚樓人遠賣酒鑪空題詩壁壞
零落粉奩香椀緣深夢淺恨彈指西風候蛩悽斷莫問
南湖一袈裟地更誰管當時何限俊侶算填詞李十
能迦懽謙巷口斜陽灣頭賸水記與徐孃初見重開畫

卷認幾曲疎簾那回曾捲柳已無多曉雅噓到晚

玉蝴蝶

玉蝴蝶

錯認滕王牘蘂禁寒翅輒膩粉輕勻幾筆疎枝冷蕊細
寫春痕翠尊空吹殘鈿筓金屋遠化盡羅裙揜重門游
蜂未覺倦舞黃昏前身玉腰小隊偷將絮雪縮住梨
雲莫便驚飛草堂猶有寄詩人香淡薄可憐是夢影迷
離何處招魂且溫存綠陰青子難翦愁根

生查子

堂前綠玉卮門外青絲鞵妾淚幾時晴郎去何曾送
小雨續輕寒淺醉聯殘夢睡損髻心螺敲折釵頭鳳

八聲甘州

黃葉樓賦夕陽

界斜紅颺出晚晴天相看轉悽然甚怱怱只是橫催雁
陣低照鷗眠樹外山眉襯黛遠道草芊芊一段蒼茫意
都付樊川 漢闕秦宮何處送幾聲畫角吹老華年儘
歡遊長好到此黯流連倚江樓玉人凝望帶西風帆影
落窗前愁無限近黃昏也新月籠煙

燭影搖紅

庚寅秋感

風葉堆廊露沾凝砌秋涼早不關情處猛相思曾印雙
鴛小彈指懽悰似掃翠幰空房櫳靜窈鞦韆影裏一徑
靡蕪螻蛄嘯老 休展金奩淚痕猶沁新詩稿曲屏低
枕臥湘煙紅破燈花笑錦瑟華年過了醉還醒愁多夢
少斷魂尋去只有銀蟾夜深偷照

浪淘沙

養河睡石山莊

池面綠生渦雨打殘荷茶煙風細漾簾波枕簟新涼人
淺醉無奈秋何 爛去聽笙歌心事消磨芭蕉聲到睡
時多紈扇紗幮休憶著只夢漁蓑

臺城路

詠螢

暝煙寒颭秋星碧低低傍簾穿戶露洗還明風吹不滅
團扇輕教黏住迷藏院宇正蟾月窺人又無尋處畫燭
銀屏墜懽空有碎蛩訴 清宵漏長夢阻悄驚梧葉下
涼影飛度瘦竹虛廊枯蘭斷螿曾照離魂歸去相思更
苦任塵黯書燈練囊誰貯解認前生草根棲暗雨

浣溪沙

風蹴飛花上繡茵柳絲無力絆殘春今年時節去年人
蟬錦暗銷雙枕淚雁絃愁鎖一箏塵不思前事亦傷
神

點絳脣

夜坐

小院秋清後堂卻下葳蕤鎖玉簪斜擘老桂餘香墮
總是無眠判得終宵坐風吹過一星螢火來照淒涼我

玉漏遲

冬夜聞南鄰笙歌達曙

病多懽意淺空篝素被伴人悽惋巷曲誰家徹夜錦堂
高譙一片氍毹月冷料燈影衣香烘暖嫌漏短漏長卻
在者邊庭院沈郎瘦已經年更嬾拂冰絲賦情難遣
總是無眠聽到笛慵簫倦咫尺銀屏笑語早檐角驚鳥

嘯亂殘夢遠聲聲曉鐘敲斷

壺中天

琴心閣書感

螺屏翠疊幾重山淺畫憶他眉嫵柳外斜陽花上月都是西風吹去簾軸雙鉤鏡奩單鎖鈔牋閒情賦瘦琴支枕卧簫誰理塵譜天際望杳鱗雲錦書不寄涼雁鳴煙艫我未離家心似客愁在無人知處病怯燈明困消茶醞灰冷芙蓉炷黃昏又聽竹梢彈碎秋雨

秦樓月

十二月十五夜舟過石門作是日立春

淒涼夕片時春夢來無跡來無跡醒時難說睡時難覓艫枝搖碎湖天碧月圓偏照孤舟客孤舟客玉梅窗底有人相憶

阮郎歸

吳門寄家書

闔閭城下漏聲殘
別愁千萬端
蜀箋書字報平安
燭花和淚彈
無一語只加餐
病時須自寬
早梅庭院夜深寒
月中休倚闌

清平樂

客中心緒只怕流年去
纔見河橋飛柳絮
又是榴花端午
醉眠休恨啼雅伴
人明月窗紗歸夢不如不作醒
來依舊天涯

浣溪沙

京邸秋思

九陌輕塵散鈿車
五更殘夢怯悲筇
西風吹我落天涯
象筵烏絲題影事
酒旗歌板送年華
夕陽紅到馬纓

花

憶舊游

是鷗波寫夢雁路尋詩冷落江湖問訊東橋竹悵故人
別後一紙書無舊家渺渺天末煙月老菰蒲甚嬾賦長
楊慵吹短笛側帽騎驢何須怨漂泊縱不爲鶯花也
戀尊鱸昨夜西風緊憶芙蓉江上相喚提壺任教醒了
還醉心事水雲孤待說與歸期瀟瀟暮雨啼鷓鴣

掃花游

九日懷歸

趙霜雁緊送一陣新寒客衣催絮歲華易度憶東籬喚
酒故山游侶鬢影西風誰訊長安倦旅暗凝竚正落葉
滿階滴碎秋雨歸計多間阻便悶過重陽幾時能去

錦箋寄語倩唳蜚爲我織成愁句翠被餘醒鄉夢何曾
慣作夢中路晚蕭蕭薊門煙樹

壺中天

葉午生比部歿於京邸以詞哭之午生名元堦余同年友有海蕪甫詞

句章城郭有便娟接舞魂歸來只夢醒桃根應錯問蝴蝶
可憐花底夜壑吟孤絳都春老餘恨空流水日湖曠
橐於今誰爲料理 知我已十年前素絃彈折更灑銅
仙淚忍倚新腔西子慢愁落野鷗聲裏如此江山不容
詞客寂寞人間世貂裘背雪倦游行且休矣

霓裳中序第一

檢故篋見亡姬遺扇

湘筠展翠疊冷落金泥雙睡蝶曾伴冰肌素靨是水樹
嫩涼桐陰微月清歌易闕悵麝紈同鎖吟篋如今賸枕

奩鏡屨一樣暗塵駝 悽絕自開還摺怕沁染噓鶻淚
血經年顛顛恨結酒膩紅銷粉蠹香滅玉京人怨別聽
夜夜桃笙夢咽傷心認飛瓊小字忍對謝孃說

壺中天

二十五離騷爲千古詞人哀怨之祖乃小山之徒謂其文昇天乘雲似若仙者噫然耶否耶余伊鬱塊居頗爲飄風所配問有撰述遂多悽戾之音拈拾作此亦將索筵筭而問之更不願彼猜猜者見也

天乎難問載雲旗五色逢迎山鬼思折瓊枝嗟遠道羌
與蹇修爲理飲石泉兮入脩門些上下悠悠只悲哉秋
氣傷心極目千里 眾女謠詠蛾眉無南無北到處機
蓬矢藜桂連蜷招隱士歲晚淹留何事蘭柂蓀櫂螭驂
虬駕我欲歌離世巫咸夕降卜居恂悅誰是

更漏子

擬溫庭筠

藕腸織花骨，
一枕淚光紅。
泣愁信息，
繡工夫，
夢殘嗚鵲。
鷓鴣當時錯，
如今莫情比。
秋羅更薄，
霜裏角月中，
更行人聽不聽。

臨江仙

擬南唐後主

亂紅窈地春無主，
宿寒還戀屏幃。
夢中何日是歸期。
玉臺金屋空，
逐綵雲飛。
煙月不知人事改，
夜深來照花枝。
薰鑪香燼漏聲遲。
闌珊燈火殘，
醉欲醒時。

山花子

擬和凝

醉纈紅綃約翠鈿，
碧蘿籠月伴鞦韆。
今夜新寒分一半，
到郎邊。
蠻蠟同心搖翠幌，
蜀箏織手擷朱絃。
學嚼春

鶯渾不似似呢鵲

浣溪沙

擬韋莊

簾軸花陰晚日趨
纖纖蹙損遠山螺
箇人歸計太騰挪
莫待柳絲吹作雪
可憐桃葉去隨波
無情無緒奈春何

又

擬薛昭蘊

荇帶牽風作晚涼
柳絲拖水溼斜陽
平林漠漠遠煙黃
雙槳送人何處去
最無情是櫂船郎
兒家不合近橫塘

醉花間

擬毛文錫

愁君去看君去君去誰留住
明日一帆風不見長干樹

曲廊攜手處後會知能否除了莫相思那有閒言語

謁金門

擬孫光憲

留不得留也不過今日今日雲帆天咫尺明朝何處覓
江上潮平風急吹斷幾聲殘笛獨倚小樓寒側側欲
眠燈又黑

黃

曾

字菊人錢唐人道光十二年舉人現官直隸知縣有瓶隱山房詞

黃韻甫云菊人詞新警詭麗獨絕一時其守律之嚴尤一字不苟非惟才大亦復心細所著瓶隱山房詞予爲手定而序之蓋詞中之精品也

點絳脣

蕉館秋新麝紈題上相思句翠屏涼雨滴盡桃笙暑
竹訊蘭期渺渺離人緒愁凝佇鈿車何處昨夜燈花語

卜算子

道是采芳來，倏過春時節。陣陣東風陣陣愁，吹得花如雪。瞥見玉釵搖，又背銀屏立。笑謎佳期故不言，手作團欒月。

浣溪沙

淶水灣頭認若耶，猩簾紅處臉窺霞。門前吹徧乳桐花。蟾影但沈眉，史閣犀株合種膽。孃家微波可許託琵琶。

憶江南

湘簾底，香雪五銖飄。一翦熟羅涼病骨，數行生紙溼吟毫。坐待篆煙消。

清宵永蠟炬爇遲遲六尺屏窩藏密語一枝簫孔漏相思背地有人知

妝臺畔絮語阿鬟親戲放蘭花燒攬核巧排梅瓣鬪瓜仁閒事最宜人

齊天樂

南屏晚鐘

忽搖疎響林巒裏沈沈咽殘花霧冷逼慈雲圓催寶月蕩得詩魂無據煙籠暮宇借十摺羅屏半空留住墮影頰紅不多斜照入飛杵
湖南曾憶結社嘆春人去遠歡墜如雨鐵笛山空瑤琴石斷舊韻蒼涼誰譜船歸畫舫騰百八鯨聲送人今古佛火黃昏梵音撓寺鼓

卜算子

單舸載儂來一笛吹郎去幾簇榴花鏡閣紅都是烘愁

處

悶掩枇

入聲

杷門嫩炙芙蓉炷雙淚何曾一日晴卻

似黃梅雨

白居易詩又見東溪野枇杷作入聲

摸魚子

題鄧晴崖志廉姬人錢嫩雲消寒炙硯圖

正春融半池蟾滴墨

作平

雲催得飛墮詩心怕與冰同冷

寫向小爐餘火香麝宛似暖玉生煙凍暈藍田破閒情

碎瑣好覓句拈題夜深不管門外雪花大奇緣合還

記吳淞蠡舸攜歸人是班左十年影事蘭屏裏鵝眼那

能瞞過留伴我問消得寒天多少紅窗課吟成夢妥更

艾艾呼郎茶茶喚女同煮一燈卧

秋霽

固關

山疊蒼茫看老樹排空欲墜秋日堞古雲橫石高雷動
單車最嫌無力路盤險阨是誰立馬英雄色弔舊迹惟
有斷煙涼暈幾堆碧無那倦旅席帽臨風怕聞悲笳
吹動遙夕幸長途征鞍穩跨關山烽火久消歇塵裏一
鞭拋未得望望何處但記細雨槐花舊吟詩地者般岑
寂

細雨槐花過
固關張說句

尉遲杯

太原城樓晚眺

崇樓凸徙倚處一壯襟懷闔虞祠隱隱藏煙汾水湯湯
流雪驚沙暮語道尙有前朝舊沈鐵問誰描北向雲山
萬重齊拱京闕斜陽忽墜遙峯聽蕃馬蕭蕭畫角同
咽右嶺關頭秋正滿愁望到家鄉片月空贏得雄心劍

外想一醉葡萄舞回鶻待山中獵罷黃塵短衣歸唱城
缺

水龍吟

夏日偕同人過隱園納涼荷亭分賦得此

欣然小住冰壺十弓幽地瑤池借有花無草有風無雨
有秋無夏石上科頭林邊跛腳炎情不惹聽蟬琴高處
一聲聲過渾疑是薰絃罷鏡裏闌干綠亞忽蓮歌紫
雲吹下水兼山靠藕兼瓜供畫兼詩寫塵外仙心香中
人語紅衣初卸笑萍錢萬箇算來不抵者清涼價

高陽臺

在平聽湘雲彈琵琶有感

棲燕香巢驚鴻小隊東風特地相招慊慊看妝一燈分
外紅搖彈絲絕妙兒孃手最撩人紫鳳聲么慰無聊酒

伴多情替索金蕉 琵琶我亦年時弄便鬱輪調好羞
換宮袍未了名心蛾眉依樣偷描人間落魄同塵網忍
甘他鴛夢今宵最難消客裏青衫淚點飄蕭

百宜令

虞兮

世局金刀兵心玉帳事業只今如此知己頭顱零丁魂
魄一劍紅搖霜裏歌停角斷引月暈重重酸起看深宵
酒畔燈前舞衣前度空記 已化作春花慘紫漢土尙
餘悲寸芳不平作死啟闔移權監宮催幸千古羞他雌雉
烏江水咽似訴出青娥名字惹而今風雨靈祠弔人間
淚

念奴嬌

木蘭從軍圖

滿綃英豔看雕弓寶甲無雙人列忠孝一肩身萬里女
子原來奇絕黑水流荒黃河路險蓮瓣何曾怯鐵衣寒
重夜深飛上愁雪難得絕塞歸來軍裝卸也重檢花
黃貼開到當窗新鏡影還認關山明月雌兔雄心明駝
暗淚十二年中說爺孃無恙問添多少華髮

疎影

梅影用草窗韻

冰枝未葉早畫從水底清淺如發夢跡招尋籬角黃昏
莫認梨雲明滅模糊素壁疑圈墨似脫化小滕蝴蝶卻
酒燈紅上屏西醉裏一枝空折未許么禽覓到暗中
正掩映搖澹香雪依樣春痕零落何曾不怕笛聲吹月
亭亭可是樓東女牘一片寒魂重疊待悄飛宮鏡中邊

却有美人憐絕

梅妃有樓東賦
見天寶遺事

瑤花

繡毬花

瓊蕤琢就玉屑裝成訝翠叢
搖月朝天素面相望處
號國才離宮闕三郎珍重莫醉後
一般拋擲盼幾番約到團圓
費得芳心千疊盈盈移上闌干
看蛺蝶飛回輕粉難別玲瓏
細瓣是借得一綫春風穿結橫
枝小繫誤白打人來偷掣只
摘下蹴向鞦尖又散滿身香雪

花心動

秋海棠

涼暈圓姿倚娟娟燕支一叢
勻淺煙澹露濃點點猩猩
薄命畫來妝面玉屏燒燭
春成夢只葦砌夜燈涼翦儘
零落牆陰暮雨俏魂誰喚
寂寂筠簾乍捲怎一樣看

花別成淒眷道是淚痕道是愁根都作可憐紅泣檀心
已逐西風碎那更有離腸催斷幾多恨朱絲暗中替縮

秋海棠一
名斷腸花

滿江紅 瓦松

滿目蓬鬆怕回首雕檐畫栱看短短平連鴟吻旁穿蟻
孔作字翻宜陪漢當無根竟似生堯棟慘夜深飛雨作
濤聲斜溝送青瑤片涼月動絳塏色繁霜拱聽枯龍
嘯裂參差碧縫窮鼠都嫺升屋技高螢不照歌樓夢賸
荒寒一帶覆鴛鴦疑成塚

百宜嬌

飛絮影

小院無人倏迷離也一撲柳花庭戶隔樹鶯窺當簾燕

弔引得梨魂無主斜陽又過閃閃見竿頭明處怪東
風吹雪無痕捉來兒女還談空悵望煙隄舊路寒蚓
畫條條月暮前度春水憐卿秋逢轉我鏡裏一般愁緒
狂情總幻任幾點萍因參去只白平作描台付詞仙補張
三句

沁園春

魂

曲院虛櫺悄悄冥冥東風寫將豈從冰鏤出十分耐冷
借花團就一樣生香縹緲甘癡膏騰苦醉短夢憑騎螭
過牆驚還定是犀株小膽獨怯空房仙乎一任悠揚
慣裊向情絲作縷長卻登山便化神娥暮雨離家偶伴
倩女斜陽擬笛防飛寄書欲斷殘魄窺人月半廊雙樓

好有紅衾真箇消得檀郎

國朝詞綜續編卷十三

錢唐宗景藩子城校栞